



Inatsisartunut ilaasortamut  
Aqqalu C. Jerimiassen  
Atassut

24-04-2023  
Suliap normua 2023 - 9407  
All. 22896393

Postboks 260  
3900 Nuuk  
Oqarasuaat (+299) 34 50 00  
Nassitsigasuaat (+299) 34 66 66  
E-mail: iian@nanoq.gl  
www.naalakkersuisut.gl

## **Ulloq unnuarlu paaqqinnittarfinni unnuarsiortunut tunngatillugu § 37 naapertorlugu apeqquteqaatip nr. 79-2023-p akineqarnera**

Asasara Aqqalu C. Jerimiassen.

Apeqqutinut qujanaq. Apeqqutit tullinnguuttut ataasiakkaarlugit assilinqarsimapput, akissutinik tullegarlutik.

### **1. Qaqortumi innarluutillip naartulersimanera pillugu pinerluttuliortoqarsimanerup kingorna nuna tamakkerlugu Naalakkersuisup unnuarsiortut marluulernissaannik sukateraluni piumasaqaateqarnera inatsit suut toqqammavigalugit aalajangiiva?**

Unnuarsiortut marluulernissaannik sukateriniarluni nutaatut piumasaqaateqartoqalernera inatsisitigut tunngavissaqanngilaq. Ulloq unnuarlu paaqqinnittarfinni aamma ulloq unnuarlu neqeroorutini Namminersorlutik Oqartussanit pigineqartuni sukaterineq pituttuisuusooq, kisiannili ulloq unnuarlu paaqqinnittarfinnut kommuniniit pigineqartunut imminnullu pigisunut kaammattuutaannaasooq Meeqqanut, Inuusuttunut Ilaqutariinnullu Naalakkersuisoqarfiup ulloq 23.3.2023-mi kommuninut allagaqaammuni erseqqissaassutigaa. Meeqqanut, inuusuttunut inunnullu innarluutilinnut ulloq unnuarlu paaqqinnittarfinniittunut aamma ulloq unnuarlu neqeroorutiittunut illersuinissaq isumannaatsuutitsinissarlu pillugu qulakkeerinninnissaq sukaterisoqarnerup siunertaraa.

### **2. Qaqortumi pinerluuteqartoqarnerata kingorna Naalakkersuisoqarfimmiit ulloq unnuarlu angerlarsimaffiit ilaannut piumasaqaatit nutaat pillugit ersarissaalluni allagaqartoqarpoq. Kalaallisoortani allaqqalluni piumasaqaatit nutaat sullissisunut tamanut atuutissasooq, qallunaatoortaanilu allaqqalluni taamaallaat Namminersorlutik oqartussat nammineq ingerlataannut atuutissasooq.**

Akissut:

Apeqqummut 1-mut akissut innersuussutigineqarpoq.

#### **a) Kalaallisut allaqqasooq immaqaluunniit qallunaatumik allaqqasooq atorneqassava?**



Akissut:

Apeqqummut 1-mut akissut innersuussutigineqarpoq.

**b) Imatut paasineqassava namminersorlutik ingerlatsisut nammineq aalajangersinnaagaat marlunnik unnuarsiortoqartitserusunnerlutik?**

Akissut:

Apeqqummut 1-mut akissut innersuussutigineqarpoq.

**c) Kommunit nalunaarutigereerneqarsimava piumasaaqatit kikkunntu atuunnersut?**

Akissut:

Apeqqummut 1-mut akissut innersuussutigineqarpoq.

**3. Naalakkersuisumut § 37 naapertorlugu apeqquteqaammi nr. 212-2022-meersumi Naalakkersuisoq akissuteqarpoq sulisut amerlinissaat, aningaasartuutissallu qaffannissaat pillugu Kommunit isumaqatiginninniarfigineqarumaartut, sulilu qaqugu pissanersoq ilisimaneqarani. Ullumikkut akit tungaatigut isumaqatiginninniartoqareersimanerluni?**

Akissut:

Ulloq 23.3.2023-mi kommunit allagaqaammi ukiumut 2023-mut akigitat allangussanngitsut ilisimatitsissutigineqarpoq. Taamaamat isumaqatiginninniartoqarnissaanik pilersaarusiaqanngilaq.

**a) Taamaanngippat qaqugu pissava?**

**b) Aningaasartuutissanut missingersuuteqartussaaitaanermut piumasaaqateqartoqarmat, ingerlaannarlu atuutilertumik Naalakkersuisup marlunnik unnuarsiortoqartussaananeramik aalajangiinerata kingorna aningaasartuutaasimasunik matussusiinissamat ilanngullugu isumaqatigiittoqarsimanerluni?**

Akissut:

Akigitat 2023-moortut ataatsimoortumik tapiissutit pillugit isumaqatiginninniarnermi isumaqatigiissutigineqarput.

Apeqqummut 3-mut akissut innersuussutigineqarpoq.

Inussiarnersumik inuulluaqqusillunga

Mimi Karlsen